

Interea, eximie PRINCEPS, quam ab ipsis Gallis Literarum cultoribus humanitatis & indulgentiae mensuram spero, a Te potissimum expecto, quando Operi huic meo datum est, praeclarissimo Nomine tuo ornari, tuaeque Celsitudini dicatum prodire. Jam didicit Gallia, Te non solum in pertractandis Politicis negotiis industriâ & sagacitate excellere, sed etiam inter Scientiarum & Artium meliorum sectatores posse cum laude versari. Tuum proinde patrocinium implo-ro, Tibique omnia e Caelo fausta precatus, singulari veneratione me ac omnia mea Tibi commendo.

CELSITUDINIS TUAE

Mutinae IV. Kal. Martias MDCCXL.

A

Humillimus, Obsequentissimus, ac perpetuus famulus
Ludovicus Antonius Muratorius.